

ВИШКОПТЕМС ОД ТОНАФНЕМА КИЗОТИ АНОКЛАМАТЬ

ВКП(б)-ть XVIII-це съезде советский школат инголи путсь пяк оцю задачат. Минь странасонк марнек осуществленнай ни всеобщай первоначальной обученя. Сталинский Колмоце Пятилеткаты пийгста родинасонк должны осуществить всеобщай средней обученя ошса и всеобщай семилетней обученя велеса и сембе национальной республикатень эса. Тя тевса минь мархтонкули тиф од решающей аськолка советский народт культурнай уро-вененц нинге сядонга вярй кеподема тевса, трудящайхнен ком-мунистический воспитания тевса, што странат внутренняй разви-тия тия минь инголенк арась центральной задачка.

Советский школась переживает од подъемонь полоса. Тянь колга пяк яркайста корхтайхть респу-бликаса 1939—1940 тонафнема кизоть итогонза, конат 1938—1939 тонафнема кизоть коряс ламода сяда кассть. Но школатнень улихть сембе условияна работань качест-ва сон нинге сядонга цебарьгаф-томасонды.

Но эряви азомс, што народнай образованиень кой-кона районнай отделхнен и васендакиге МАССР-нь Наркомпроть школь-най строительстват мархта лафча руководствасон сюнеда рес-публикаса од школатнень техни-ческий аноксна аф 66,2 процентта лама, а Игнатовский и Темников-ский районца школьной строитель-ствась ащи сязевоме лангса.

Тяфта жа пяк кальдявста тевсь ащи стабильнай учебникнень марх-товок. КОГИЗ-нь Мордовский от-делениась планц коря тонафнема кизоти сембе дисциплинатнень ко-ряс должен ускомс 277.890 учеб-ник, а фактически июль 23-це шинцты уськс анычек 81.086 учеб-ник. Илякс мярьгомс КОГИЗ-нь Мордовский отделениать аф опе-ративнай руководстванц сюнеда мордовиянь школатне учебника обеспеченахть анычек 33 процентс.

Од тонафнема кизоти анокла-мать инкса оцю ответственность кандыхть партия и сембе странат инголе комсомольский организа-циятне, ибо синь призваннайхть лездомс школати.

ВЛКСМ-нь ЦК-ть XI-це плену-моц няфтсь организационнай фор-мат, конат должетт обеспечить инь деловой лезкс школати ком-сомольский организациятнень шир-де. ВЛКСМ-нь райкомтнень виде-са школьной од ломаттнень и пи-онерхнен йоткса работат коряс комиссиянь созданиясь, комсомоль-ский активт широкай привлече-нияц—вагот сят форматне, конат максихть оцю возможность ком-сомолт виензон мобилизован-дамасонды минь школаконе нинге сядонга оцю сатфксонзон инкса тюремат.

Лездомс партияи странаса на-чальный и средней обученя ка-честванц сяда тов кеподеманц са-томаса — Ленинско — Сталинский комсомолт почетнай долгоц!

СССР-нь Верховнай Советт сисемце Сессиянц тердеманц колга

СССР-нь Верховнай Советт вето-нц сисемце Сессиянц тя ки-зонь августт 1-це шистонза Мос-ку ошса.

(ТАСС).

Эстонский Государственный Думась и Латвийский Сеймсь эсь работаснон аделазь

Июль 23-це шистонза Эстон-ский Государственный Думась эсь работанц аделазе. Заключитель-най заседания, крупнай промыш-ленностт и банктнень национали-зациясон колга Декларацият оглашандамда и примамда меле, Эстонский Советский Социалисти-ческий Республикаты Конституци-янц выработканцты ульсь кчкаф комиссия.

Государственный Думась азсь полнай доверия правитель-ствати, конанц возглавляет премь-ер-министрь И. Варес докторсь и постановил лувомс, што прави-тельствась должен эсь обязанно-стензон исполнять од конститу-циянь примамс и тя конституцият соответствиясь правительствань образовандамс.

Государственный Думась удов-летворил просьбанц президентт К. Пятсать сонь лангстонза полномочиятнень сложениясон колга. Президентт обязанностен-зон исполнения возложеннайхть премьер-министорт И. Варес док-торть лангс.

Тяфтажа аделазе эсь работанц Латвийский Сеймсь. Заключитель-най заседания президентт обя-занностензонды исполняйкс кемокстаф премьер-министерь А. Кирхенштейнс профессорсь.

Кчкаф комиссия Латвийский Со-ветский Социалистический Рес-публикаты конституциянц выработ-канц коряс.

(ТАСС).

Народт воляц осуществленнай

Июль 3-це шистонза литов-ский Сеймсь единогласна примазе банктнень и крупнай промышлен-ностт национализациясон колга декларацият. Декларацияса корх-тави:

„Учитывая трудящайхнен закон-най требованиясон, народнай Сеймсь провозглашает Литовский Советский Социалистический рес-публикаты сембе территориянц лангса банктнень и крупнай про-

мышленностт национализациянц. Банктнень и крупнай промышлен-ностт национализациясон мархта, республикань трудящайхне арайхть хозяйнкс странат народнай бо-гатстванц лангса“.

Сеймсь поручил правительствати ваномс и кемокстамс списка сят банктненьди и крупнай пред-приятияненьди, конат подлежат национализацияти.

(ТАСС).

Вельхозналогт паннесазь срокта инголе

Ковылкина. Районца аф кржа колхозникт вельхозналогсон пан-несазь срокта инголе.


Изасимовка велень „Красная звезда“ вельхозартелень четтне В. Лысяков, И. Лысяков и илятне 1940 кизонкса вельхозналогсон пандозь ни 100 процентс.

Аф учсемок платежнай извеще-

ниянь максомать, Кочелаева ве-лень „Память Ленина“ артелен колхозникне панцть 1.370 цалко-вай вельхозналог, а Мартынов, Богин, Аникушкина и иля ялгатне налогсон пандозь 100 проц.

Перевесня велень колхозникне ав-нсса панцть 1.035 цалковой вельхозналог. А. Абакумова.

Г. Пьянзин.



Июль 19-це шистонза Кадешкинский районь „Большевик“ колхозсь лиссь выборочна нума. СНИМКАСА; 3-де бригадань 1-це лн звенань четтне лобогрейкаса лядихть розь.

Фото: А. Иванов.

Аф эряскадыхть перестройкаты колга

Саранский МТС-ть эса комсомольский организациясь лувкс коря бта аф йомла. Сонь эсонза, секретарт Силенова ялгаты четнай книганц коряс, лувондови 12 ломань. Но, живой, практический участия, организациять эрь шин работасонза примосихть аныцек кафта-колма ломатть. Мес аф кандыхть порученият илядыкс комсомольцеве? — кизефнесазь секретарт заместителенц Грачкова ялгаты.

— Да кати, бта аш мезе максомс, отвечай сон.

Коде аф странна, но сави азомс, што тя организациясь комсомольцеве тячимс аф содасазь ВЛКСМ-нь ЦК-ть XI-це пленумонц решениянзон.

Мес тя тяфта? Да сяс, кода отвечась Грачкова ялгасы, што синь учихть тянь колга специальной директива вярде. Комсомольский комитетсь арьситя кизефксты путем собравияс аныцек августь 3-це шистонза. Аш кода сяда рана, — корхтайхть комитетть руководителенца, минь плаец коря аш сяда рана собранияньке.

Уважаемай комитетовецт, вдь медлит перестройкаты мархта, тейнек прават кивок ашезь макссе, следовательно, нельзя ли тейнть сяда эряскадомс?

Комсомольский комитетсь тяфтажа мезевок аф тиенди комсомольский руководящий органонь кочкаматы анокламаты коряс. Да сонь руководителенца, в частности Грачкова ялгасы афи содасы, што сентябрь васенце шистонза сявомок и октябрь васенце шинцты модемс улихть йотафтфт руководящий комсомольский органонь кочкамат.

Саранский МТС-ть комсомольский комитетонцты сяда курок эряви перестроить эсь работанц.

М. Сайгин.

ВЦСПС-ть X-це пленумонц созывонц колга

1940 кизонь июль 27-це шистонза терьневи ВЦСПС-ть X пленумонц.

Пленумть шинь повесткац:

Профсоюзнай аппарата кой-кодама аф сатыкснен машфтомаснон и профсоюзнай оргаттнен работасон цебарьгофтомаснон колга.

Почталонц макссь
Теень сьорма,
Ичкоздене штампс;
Сьормать савине
Мон, нормалькс,
Коста мог сон самс?
Пади Катя,
Саша, кучезь,
Мяльне фкакс лийкстайхть.
Ашезь сав пях
Ламос учемс,
Седизе стукай.
Сьормать панжине
Конвертонц,
Содайне кинь кядсь.
Шуроста
Букватне ляцентфть,
Вов ульсь мезе тяштф:
— „Шумбрат
Кельгомнязе, Паша,
Од стирень поклон,
Сяда мазиста
Аф маштан
Сьормадома мон...
Ашек вернайста
Тон постса,
Мастороньконь ванк,
А мон тячи
Роснень йоткса,
Урожайть нуян.
Эх, комбайнать
Кельгозь васфты
Сьоронь океанц,
Тонц нуят,
А мяльце касы
Кели паксят лангс:

Ичкоздене сьорма

Александр Малькин.

Сьорось сери,
Сьорось пара,
Козя урожайсь,
Тядде лама
Килограммат
Трудоштит сай.
И тонь куду
Отпускс самозт
Паксят минь нусась,
А ся шицень,
Коде праздник,
Кенярьдезь учса.
Саят—пара угошенья
Инголет путан,
Якстерь кстыень
Од варенья,
Лемозт мон тиян.
Самозт кенерихть
Куярхне,
Ванфтан и кстынат,
Садса
Якстерьгодохть марьхне...
Инжи тон улят.
Сяда лама
Тяштан оду,
Йотка, пинге сай,
Тяни заняфан
Мон, содаф,
Лядян урожайть.
Сьормать ала
Тяштьфоль... „Катя,
Кельфце, стирце тонь“,
Сьормать эзда
Радостьсь фатясь
Седиезень монь.

Катя Яфанова.

Родинаць инкса

Шинясь мани, илядсь ламбе,
Варманясь уфай,
Ванан панжи лугать пяде
Брадозе монь сай.
Кажнай нармонц тейнзаморай,
Чефксяське чифнай.
Кели мяштенц лангса орденц
Зарянякс крфай.
Седи вакса кельгозь учень
Брадозень. Сон сась.
И боеонь вию кядьса

Кядезень люпштась.
Азондсь: кода шавсь сон
фитнень,
Штыкса сягонц гадть.
Азондсь вию боень шитнень,—
Ванфтозь Ленинградть.
Монга мярьгонь: „Станя эрявс!
Вракти ширдент сатсь.
Тяни тоса цебарь эряфсь—
Панжи марлю садкс“.

Карл Черакшев.

ПАКСЯТЬ ЛАНГСА

Тяни радостнай пях эряфсь,
Тяни эряфсь—панжи сад,
Тяни тон, колхознай веде,
Козят, весялат шумбрат!
Кели паксась. Роснень ланга,
Кожфкясь тиенди волнат,

Жнейкась тейнза сась танга,
Нуй, аф лядыхть алу, прят.
Лакай труда шитне йотнихть,—
Козя, козя урожайсь,
Тядде трудоштитне питнихть,—
Лама сьора тейнек сай!

рокста строять 2 метрань сереса
плотина и кафта-колма шинь пингс
сон пяхкодсь сиякс ащи ведьта.


Плотинать эзда прокс аф ичкозе ащи колхознай пересь, коза путфт капстат, якстеряпст, куярхт, тыкват и лама ляля имешт. Огородниксь В. А. Баландин ялгасы шувсь переть вакс канава, конань эзда нолдась плотинаста перети ведь и тянь вельде валондсыне перень имешнень.

Баландин ялгасы лувозе, што сон тя кизоня получай овощатнен эзда 30—40 тьожань цалковой прибыль.

Сай кизоня колхозсь арьсекшнн плотинать йотафтомс лия вастс и касфтомс перень площадь 15—20 гектарс, содамок, што плотинать мархта кодамовок засухась и суохвейсь аф кармай улема страшнайкс и максы сатомшка летке перень имошнени.

Г. Яркин.

3-Полянский район.



СНИМКАСА: Кадошкинский райононь „Янготормыш“ колхозонь I-це № звенань членц Вальшинась ванондсыне каньфты кенерфонц эсь участканц лангса.
Фотось А. Ивановь.

Саттне азорфтома шить кядьсот

Каньгуш велеса „Путь к социализму“ колхозть марстонь пользованияс улихть плодовой шифтонь кафта садонза, конатнен мельге тяниень пингты аф вятевы кодамовок надзор. Саттне кафта-колма киза вон ни ашихть апак перяк, йотковаст якайхть жуватат, марлюфнень пядеда ламосна синнефт и коськт. А ведь тя колхозть руководителенца цебарьста содасазь, што саттне, кода подсобнай хозяйства, ламода касфнесазь колхозть доходностенц, а тянь коряс шарьхкодеви, што кепотькшни и колхозникнень материальной благополучиясна.

Ельниковань райзоти эряви тя фактть проверямс и колхознай общественной собственности — саттнен азорфтома шить алу кадомаснон инкса конкретнай виновникнен таргамс ответственностьс.

В. Коньтеев

Ельниковский район

Галифакс отвергает Гитлерть мирнай предложениянзон

Коде пачфни Рейтер агентствась, июль 22-це шистонза радио вельде выступил Англиянь иностраннай тевонь министрсь Лорд Галифакс, кода макссь ответ Рейхстагса Гитлерть реченц каршес. Эсь выступлениясонза Галифакс отверг сят мирнай предложениянень, конат ульсь азфт Гитлерть речьсонза. Галифакс отметил, што Гитлерть речьса „апак тик заявления сынь колга, што Европан иля нароттнен самоопределениянди ули кой-кодама правасна“. Галифакс особа подчеркнул тя фактть многозначительностенц.

Отвергая Гитлерть мирнай предложениянзон, Галифакс азозе: минь шарьхкодсь, што тюремась может тиес тейнек сембонь. Но минь аф логкафтсаськ тюремать снярс, мзярс аф сясыктыма. Галифакс тьяка пингть подчеркнул Англиять мархта США-ть солидарностенц.

(ТАСС).

Ответ. редакторть заместителенц
И. ЧУДАЙКИН.



Жарав велеть гурьска мянцевозь шуди аф оцю лайне. Тя пингс сонь лангозонза ашесть шарфнемаль и лувондозь, што тя лайнять велети, рдазда башка аш кодамовок пользац. Сон, нльня, эшлемска иттенди аф кондысти, пях кржа ни сонь эсонза эрьси ведьта. Мзярда появась газетатненди „Железнодорожник“ колхозонь колхозникнен обращениясна (Таловский район Воронежский область), эрь колхозса водоемонь—плотинань, прудонь и эшнень строительство колга, „Большевик“ колхозонь колхозникне кармасть арьсема, кодаба использовандамст аф оцю лайнять, штоба сон служаль колхозть пользас.

Тя кизефксты обсуждадамста

лисенцть лама спорсемат. Финц колхозникне корхнень, што тя лайнять эзда можна получамс оцю польза, кда сонь прудямс. Омбонцне корхнень—„шавос аш месьт имафнемс пингть и трудть, сон сякоккс мезевок аф макссь“.

Сят колхозникнен ширя, конат корхтась тя лайнять прудяманц инкса, арась и колхозонь огородниксь В. А. Баландин. Сон оцю упорстваса корхтась, што аф оцю плотинаньс может максомс колхознай перети огромный польза. Сонь эздонза можна мекпяти тиес колхознай овощатненди искусственной орошения, кона касфты урожайть кафтонь-колмонь крда.

Колхозникнен пядеда ламосна сяськсты и колхозникне келес ку-